

Cumiau ed engraziament a Gion Martin Cabalzar

## **Grond engaschi per la communitad**

Mirond anavos sin siu engaschi sco scolast, organist e musicant en favur dalla communitad e dalla pleiv ha Gion Martin Cabalzar prestau gronds survetschs ei quei duront varga 40 onns. Da Buania, alla fin dil survetsch divin ha il president *Alexander Casanova* remunerau anteriur scolast Gion Martin Cabalzar cun in plaid d'engraziament. Igl onn 1977 ha la pleiv sogn Martin Lumbrein elegiu Gion Martin Cabalzar sco vice organist. Da lez temps fuva Pieder Arquisch president dalla pleiv. Sper organist e commember dalla societad da musica Lumbrein surpen Gion Martin Cabalzar la bitgetta dil chor viril da Lumbrein e quei naven digl onn 1986 entochen igl onn 1992. Duront quei temps sco dirigent dil chor viril ha el giu abdicau sco con-organist, suna denton tier las messas da scola l'orgla e quei tochen igl onn 2016, pia tochen che nos affons han saviu frequentar a Lumbrein la scola primara.

Igl onn 1983 entochen igl onn 2016 ha Gion Martin Cabalzar collobrau cul chor d'affon sco dirigent ed era accumpignau las messas all'orgla. Il chor d'affons cantava il di dallas mummas, da Dumengialva e Creisma e magari era da Pastgas ni Tschuncheismas . 33 onns ei Gion Martin Cabalzar era staus responsabels per il bi usit dils 3 sogns retgs. Sco scolast ha el preperau ed accumpignau nos affons sin la tura tras il vitg ed ils uclauns. Dapi 2005 ei Gion Martin Cabalzar staus conorganist cun Robert Capeder e Curdin Casaulta. Suenter che Robert Capeder ha giu demissiunau igl onn 2007 ha la pleiv elegiu Marcel Solèr igl onn 2009 el stagl da Robert Capeder.

## **In grond Dieus paghi per la lavur**

Per quei engaschi ha Gion Martin Cabalzar gronds merets ed en num dalla pleiv surdat sur Dirk Jasinski ad el igl attest d'engraziament ed renconuschientscha cun la benedicziun episcopala, suttascreta digl administratur apostolic Pieder e vitier obtegn Gion Martin Cabalzar la medaglia cun la distincziun « Pro musica sacra».

Ils presents applaudeschan ed il president engrazia zun fetg e giavischa tut bien a Gion Martin Cabalzar manegiond ch'el astga adina turnar sill'orgla sch'el havess inagada ensacu puspei il basegns da sunar. Sco finiziun dil survetsch divin contan ils treis sogns retgs aunc ina biala canzun, per silsuenter cuntinuar lur tura tras ils uclauns da Lumbrein.

Buania 2020 Alexander Casanova



Buania 2020 a Lumbrein

